

Parlamento Hubenil ta organisa cursonan educativo den vakantie grandi

ORANJESTAD – Parlamento Hubenil ta organisa cursonan educativo den vakantie grandi. E cursonan aki lo ta durante dianan 15 pa 17 di juli entre 9or di mainta pa 2or di atardi. E cursonan aki lo ta pa hobennan di 14 pa 23 aña.

Durante e dianan aki nan, e cursonan lo enfoca riba liderazgo y formacion social di e hobennan.

Cual ta e meta principal di parlamento hubenil. E aña aki, ta suma e di 5 edicion di cursonan durante vakantie. E proyecto a cuminsa ora cu na 2010, e hobennan a haci un encuesta entre hobennan den comunidad pa wak kico nan tabata haci den vakantie. Di e encuesta cu a sali afo a



monstra cu hobennan entre 14 pa 23 aña tabata sinti laf mirando cu nan no tabata haya mucho cos educativo pa haci den vakantie. Pues Parlamento Hubenil a tuma e iniciativa di cuminsa introduci cursonan pa e hobennan den comunidad.

Participacion

E unico rekisito pa inscribi pa participa na e tayernan presenta pa Parlamento Hubenil ta lo siguiente. E prome ta cu e mester ta un hoben di edadnan 14 pa 23 aña, cu ta bayendo un scol of ta representa un organizacion. Parlamento hubenil ta cobra esunnan cu kier participa un suma minimo di 15 florin pa tur 3 dia. Esaki ta entre otro pa cubri e gastonan di snacks cu bebida pa e participantenan. Esunnan interesa por yama 5886860 of por manda un e-mail na summercoursesaruba@gmail.com of por pasa libremente na e oficina di parlamento hubenil pa haya mas informacion. E cursonan lo tuma luga den e aula di Universidad di Aruba. Ta boga e hobennan interesa pa yega na tempo na e cursonan.

Tema



Cada dia di curso lo enfoca riba e tema aki, pero riba cada dia lo tin un diferente topico. E lema di e prome dia ta "my right so nothing goes left", e di dos dia e lema ta "be loud, be proud, come on and say it loud" y e di tres dia ta "dream it, think it, work it, goals". Pues cada dia lo ta manera subi un trapi y e ultimo trapi ta simbolisa yega na obtene e habilidad nan necesario pa yega na nan metanan.

Ken lo duna curso

E facilitadonan di e cursonan lo ta entre otro. Marylin de Kort cu lo papia tocante derechonan di mucha conhuntamente cu Juan Pablo Aguire. Tambe lo tene un debate conduci pa Yolanda Richardson. Despues di esey lo duna cursonan di liderazgo



E tema di e cursonan educativo e aña aki ta: "Goals leading the path to your future". E cursonan lo enfoca riba duna hobennan e sosten pa desaroya habilidad nan cu lo yuda nan yega na nan metanan y soñonan den futuro.

bou guia di Edu Max y mas despues esunnan di Michelle Brooks cu lo trata autoestima y amor propio. Otro personanan cu lo duna curso entre otro ta Gillmer Croes cu lo papia di motivacion. E hobennan a purba di busca hendenan cu tin experiencia den e areanan cu ta explora e temanan cu nan ta trece dilanti. Fuera di esey Croes mes, den pasado caba a yega di duna presentacion pa e hobennan di parlamento hubenil mes pues nan tin bon experiencia cun'e. E otronan si ta personahenan nobo. E hobennan tin capacidad pa mas o menos 100 hoben pero si posiblemente bin mas hoben acera esey ta okay. □